


DISSERTATIO IURIDICA
DE
P O E N A
CONCVBITVS A PER-
SONIS PER DIVORTIVM
SOLVTIS COMMISSI
INDVLTV
ILLVSTRIS IVRISCONSVLTORVM
ORDINIS
SVB PRÆSIDIO
DOMINI
FRIDERICI Sebrecht Stolz / J Cti
PVBLICÆ ERVDITORVM
DISQVISITIONI SVBJICITVR
AVCTORE RESPONDENTE
ADAMO GVIL. 'TSCHORNIO,
LVBEN. LVS.

Lipsiæ in Audit. J Ctorum die XVII. Maii cl. Is CCXXXVI.

L I P S I Æ,
Literis GABRIELIS TROGII.





ILLVSTRISSIMO

A C

EXCELLENTISSIMO DOMINO,

DOMINO

GOTTLOB FRIDERICO

S. R. J. L. B.

A GERSDORFF,

DYNASTÆ IN BARVTH, BVCHVALDE,
RACKEL, KEMNITZ, CREBA, &c.

AVGVSTISSIMO POLONIARVM REGI ET
ELECTORI SAXONIÆ

MINISTRO STATVS

ET

CONSILIARIO INTIMO
&c.

DOMINO SVO GRATIOSO

LEVISSIMAS HASCE
ET
EXCELLENTISSIMA TVA PERSONA NON SATIS
DIGNAS
ACADEMICORVM FRVCTVVM
PRIMITIAS
IN TESSERAM
ØBSTRICTISSIMI ANIMI
OMNI,
QVAM MENS COMPLECTI POTEST,
PIETATIS ET SVBMISSIONIS
CVLT V
SACRAS FACIT
PARITER AC
SE SVAQVE STVDIA CVM HVMILLIMÆ VENERATIONIS
OBSERVANTIA
DE MELIORI NOTA
COMMENDAT
TANTI NOMINIS
TOTO ANIMO ET STVDIO ØBSEQVIOSISSIMVS CVLTOR
ADAMVS GVILIELMVS TSCHORNIVS,
Lub. Luf.



Q. D. B. V.
DISSERTATIO JURIDICA.
 §. I.



Quilibet, qui vel primis labris sapientiam gustavit, unanimi suffragio mecum asserit, Jurisprudentiam præ ceteris, quæ fortissima fulcra reip. exstruunt, artibus primum occupare locum. Introitus.
 Qua enim ratione salus publica utiliter & firmiter stabiliretur,

nisi per hanc rerum divinarum humanarumque notitiam? §. I. *de Just. & Jur.* Et per Deum immortalem! quam diu quæta tranquillitas, jucundissima reip. conservatrix atque parvarum rerum incrementum, finibus nostris, faveret, nisi hæc justī atque injustī scientia d. §. I. iis, qui in virtutis stadio decurrunt, præmia præfigeret, scelera vero patrantibus turpitudinis notam comminaretur, & ad proportionem quasi geometricam iisdem honores distribueret, distitaret pœnas hisce? l. 14. §. 3. ff. *de mun. & bon.* Imo vero unde commercia, quæ rep. omnino nutriunt, vigorem reciperent, nisi hæc æqui & boni ars l. 1. pr. ff. *de Just. & Jur.* justiciam exerceret commutativam? Quæ cum ita sint, nemo est, qui dubitet, cessante Jurispru-

prudencia cessare salutis fundamentum, cessare felicitatem, cessare nutrimentum reip. Hinc cum nullam artem, nullam scientiam in rep. fundanda magis necessariam, in conservanda utiliore reperiamus Jurisprudencia, summa openitamur, necesse est, hanc crebra diligentia nobis acquirere, acquisitam diurna nocturnave industria excolere, eiusque veritatem tum ex opinionibus Jctorum colligere, tum propriis meditationibus quærere. Prudentiæ enim est, animum ad id attendere, quo felicitatem in socialitate assequimur.

§. 2.

Propositio.

Hac vice mihi placuit, ex tam prolixa Jurisprudenciæ tractatione materiam delictorum carnis deprimere, illorumque speciem quandam CONCUBITUM scilicet A PERSONIS PER DIVORTIUM DISSOLUTIS COMMISSUM meditationibus nostris præfigere, & tam ex sententiis Ddrum, quam speciali nostra explanatione UT SIC CONCUMBENTES OMNINO POENAM MEREANTUR, luci publicæ exponere.

§. 3.

Præmittantur
quædam de
nupt. matrim.
dissol. & de
liet. carn.

At enim vero ratum consultumque mihi videtur, hunc disquisitionis laborem prosperiori eventu defuneturum esse, si de nuptiis, matrimonii dissolutione & delictis carnis quædam huc quadrantia præmittam, & iisdem de materiis communem Dd. opinionem leviori saltim penicillo adumbrem. Initium igitur a nuptiis faciam.

§. 4.

Fundamentum
nuptiarum.

Divinum, quod omnia moderatur, Numen totam rerum machinam eum in finem creavit, ut homi-

homines ratione præditi illius sapientiam & omnipotentiam devoto sanctæ venerationis cultu admirarentur. Extinctis vero hominibus defineret finis creationis, rationabilis, inquam, Dei cultus, (der vernünftige Gottes-Dienst) nec Immortalis homines a morte defensos esse, nec eorundem naturæ indere voluit, ut ab individuis generentur æque individui. Hinc genus humanum per coniunctionem utriusque sexus personarum propagari, mortalibus naturaliter iussit Aeternus. Vt autem uti in omnibus actionibus, sic quoque in generis propagatione pretiosissima hominum ratio emineat, & nobilissimæ creaturæ a minus nobilioribus, brutis, inquam, animalibus maxime differant, legibus divinis sancitum est, ut coniunctio personarum ex dictamine rationis non ob procreationem sobolis tantum accadat, sed etiam mutuum adiutorium nullo modo dissolvendum & ad ultimum vitæ halitum duraturum sub se contineat, ita, ut hæc animorum & corporum coniunctio proinde tam arcta dicatur, ut, qui duo fuerint, nunc una caro sint, & neuter coniunctarum personarum ius habeat in ipsorum corpus, sed alter in alterius, nec uxor corpus suum in potestate habeat, sed vir, sicut nec vir suum.

§. 5.

Intellectu itaque res perfacilis est, matrimo- Definitio Nuptiarum.
nium vel nuptias inde ortum traxisse, ex eodemque ipso fundamento breviter, satis tamen idonee definiri viri & mulieris coniunctionem legitimam, individuum vitæ consuetudinem continentem. §. 1. *J. de Patr. pot. l. 1. ff. de Rit. Nupt.*

§. 6.

Nuptiæ con-
trahuntur
consensu.

§. 6.

In præcedenti paragrapho commemoravi, hominem in coniunctione propagandi solita quoad indissolubile vinculum a brutis discerni, propterea, quod non eorum instar cæcum instinctus naturalis ductum prodat, sed conspicuum actioni suæ adhibitiæ rationis argumentum in medium proferat. Ast unde colligeremus, quod tales personæ ante coniunctionem æqua animi lance per penderint, an velint aut possint perpetuam vitæ consuetudinem in se suscipere? ex facto? nonne ex coniunctione corporum & animorum coniunctio apparebit? minime gentium, non concubitus, sed consensus facit nuptias. *l. 30. ff. de R. J. l. 32. §. 13. ff. de Donat. in vir. & ux. l. 15. ff. de Cond. & dem.* Requiritur ergo ante omnia liberrimus nuptias contrahentium consensus expressis verbis declaratus. *l. 2. ff. de Rit. Nupt.*

§. 7.

Nuptiæ non
sunt contra-
ctus.

Sponsalia sunt
pacta legiti-
ma.

Quis tamen cum Cypræo *p. 1. c. 5. §. 37. de Fur. Connub. & Kitzelio c. 4. theor. 15. lit. A. in Synop. matrim.* sibi persuaderet, nuptias vel sponsalia, quia consensus, tanquam partem substantialem recipiunt, contractum consensualem constituere, vel quorundam alium, cum tamen consensus in nuptiis non interponatur de re in commercio existente, sed de individua vitæ consuetudine, nec nuptiæ lucrum, sed sobolis procreationem pro fine habeant? Plura perlegantur in Engelbr. *th. I. L. XXIII.* Sponsalia potius pro pacto legitimo reputanda sunt, quoniam consensu perficiuntur, & declarato hoc expresso ex assistentia legis efficacem obligandi vim consequuntur. Engelbr. *d. l.*

§. 8.

§. 8.

Ne in hac nuptiarum materia perlustranda li-
mites propositi mei excessisse videar, hic quidem ac-
quiescere possem, operæ tamen pretium esse, existi-
mo, hisce iam dictis adhuc causas nuptias prohiben-
di brevissimis duntaxat annexere, quarum cumulum
hoc ad principium commode redigo : Quoties finis
matrimonii interruptitur, toties prohibentur
nuptiæ.

Principium
causarum
nupt. prohi-
bentium.

§. 9.

Hisce annumeratur 1.) Incapacitas generandi ; Ipse cause
l. 4 ff. de Rit. Nupt. l. 9 ff. de Spons. §. 9. J. de Adopt. Lo-
cum obinet 2.) Defectus consentiendi ; l. 3. ff. de R.
N. l. 21. ib. l. 116. ff. de R. J. A nuptiis prohibet 3.) Ne-
cessitudo consanguinitatis vel affinitatis ; t. 1. J. de
Nupt. & 4.) Personarum reverentia sine necessitudi-
ne e. g. inter tutores & pupillas, l. 36. 59. 64. §. 1. l. 66.
ff. de R. N. t. t. C. de int. marr. int. pup. & int. adoptato-
res & adoptatas ; §. 2. 5. J. de Nupt. Hasce excipit 5.)
Disparitas religionum ; l. 6. C. de Jfd. & Cæl. Sequi-
tur tandem 6.) Delictum matrimonii causa commis-
sum. l. 15. ff. de bir. qu. ut ind. l. un. C. de Rupt. Virg. Struv.
de Delict. C. XIII. obs. II.

prohibitivæ.

§. 10.

Absolutis hisce causis prohibitis conducere
arbitror, ut prodeat interpretatio matrimoniorum,
quæ sint nulla, quæ dissoluta. Hic occupato illa,
quæ dicenda sunt, quatuor sub speciebus commode
explicanda, mihi videntur. Coniugium ergo si
contra finem matrimonii sit initum, pro nullo decla-
ratur, sin alia iusta causa supervenerit, promissum,
sponsalia sic dicta, per repudium, perfectum, quod

Dissolutio
marr. dividi-
tur in qua-
tuor species.

nuptiæ audit, vel quoad consortium per separationem a thoro & mensa, vel quoad vinculum per divortium dissolvitur.

§. II.

**Declaratio
Nullitatis.**

Ea, quæ ad substantiam matrimonii perfecti exigente lege necessario requiruntur, ex iam commemoratis plus satis liquet. Matrimonium autem, quod contra unam prædictarum causarum prohibentium est contractum, nullo iure subsistit. Et tunc declaratio nullitatis locum habet, vi cuius matrimonium contra prohibitionem initum pro nullo reputando declaratur, ita, ut nec vir, nec uxor, nec nuptiæ, nec matrimonium, nec dos intelligatur. §. 12. *J. d. Nupt.*

§. 12.

**Repudia & di-
vortia sunt li-
cita.**

Proinde matrimonium omnibus sæpe dictis legibus absolutum nulla ratione infringetur. Quamvis autem sponsalia atque subsequentes nuptiæ hac mente eave animi destinatione contrahantur, ut matrimonium non, nisi morte dirimatur, coniuges perpetuo usque ad finem vitæ sibi cohabitent, omniaque tam divina, quam humana iura communia habeant, *l. 1. ff. de R. N.* repudia tamen & divortia, licet illa ex accidente & præter naturam matrimonii fiant, adeoque ipsius substantiam mutare nequeant, licita esse, tum Jus Justinianum & Pontificium, nec non novissimæ christianorum magistratuum sanctiones, tum quotidiana praxis iudiciorum ecclesiasticorum satis superque attestantur. Nicolai in *Tr. de rep. & div. p. 1. c. 1. §. 1. 2.*

§. 13.

**Definitio re-
pudii.**

Rebus sic se habentibus sponsalia per mentionem

nem & repromissionem futurarum nuptiarum *l. 1. ff. de Spons.* legitime celebrata dirimuntur per repudium, quod est dissolutio sponſalium iustam ob causam invita altera parte a magistratu competente facta. *l. 101. ff. de Verb. Sign. & Nicolai d. tr. p. 1. c. 5. §. 4.*
 §. 14.

Difficillime accideret, innumerarum ferme, ob ^{Causa repu-} quas repudium iuste procedere, dicitur, causarum ^{dii.} multitudinem ad unum redigere principium. Certissime mihi persuadeo, non sufficere, quod multi Ddru[m] principii loco hic tenent: Quoties post contracta sponſalia tale quid supervenit, quod si antea extitisset, nunquam in sponſalia consensum fuisset, toties repudio locus datur. Hanc enim regulam si infallibilem agnosceremus, posset unusquisque, cui post contracta sponſalia pinguior conditio, quæ rationi status sui magis conveniret, obtigerit, a sponſalibus iam contractis recedere, quia forte nunquam in sponſalia contracta consensisset, si superveniens iam casus antea adfuisset; Multi a sponſalibus cum virgine non admodum divite, nec admodum formosa celebratis recederent, si puella vel ditior, vel formosior sibi postea obveniret. Conf. D. Disseldorff. *Diff. de Jure dec. repud. 1696. hab. §. 4.* Naturæ repudii propius accedere puto D. Ludovici in *Doctr. Pand. l. XXIII. Tit. 1. §. 10.* solide traditam sententiam: Toties iusta causa adest, quoties aliquid supervenit, quod amorem plane tollit. Amor enim est fundamentum matrimonii. Propterea iustissimum est, sponſalitiâ hanc obligationem ex amore profectam non, nisi hoc amoris fundamento plane destructo sustolli, quamobrem etiam ininicitia capitales, c. 2. *X.*

de Spons. morbus contagiosus, *c. f. de coni. lepr.* perparatio delicti infamantis *l. 8. §. 2. C. de Rep. l. 5. C. de Spons.* ceteræque omnes causæ amori coniugali renitentes iustæ appellantur.

§. 15.

Separatio a
thoro &
mensa.

Huc usque de dissolvendo matrimonio promissio egi, iam pervenio ad perfectum, vel quoad consortium per separationem a thoro & mensa, vel quoad vinculum per divortium dirimi solitum. Priusquam vero ad divortium progrediar, pauca de consortii solutione disseram. Est vero separatio a thoro & mensa (die EheScheidung von Tisch und Bette) quasi suspensio vinculi matrimonialis, donec illius iusta causa ad divortium non sufficiens cesset, vel talis actus, quo iudex ex iusta & sufficienti causa coniugibus obligationem mutui conuictus & copulæ remittit.

§. 16.

Separationis
causæ.

Licet per matrimonium perpetua vitæ consuetudo inter maritum & uxorem inducatur, coniugesque ob evitanda incommoda & scandala separandi non sint, dantur tamen per modum a Pontificiis & Canonistis (ut sæpe *d. Nicol. p. 2. c. 5. §. 2.* prolixius demonstravit,) inventum etiam causæ, ob quas potestas a magistratu permittitur, coniuges separatim habitare, reconciliatione ante omnia inter hos tentata. *Carpz. Jpr. eccl. l. 2. tit. 12. def. 218. n. 1.* Iustissime igitur obtinet separatio 1) ob nimiam mariti sævitiam & præteritam & futuram ab uxore metuentiam, minime tamen ob modicam castigationem; *arg. l. 5. §. ult. ff. ad Leg. Aqu. l. un. C. de Emend. prop. Carpz. Jpr. Conf. l. 2. tit. 12. def. 212. n. 1. fqq.* Separat quo-

quoque 2) inplacabilis coniugum inimicitia, non leves rixæ; Carpz. *Jpr. Conf. p. 2. def. 217*. Porro huc refertur 3) sævissimus furor alterius coniugis vitæ periculo iunctus, minime desipientia, mentis captio; *arg. l. 22. §. 7. 8. ff. solut. matr.* Carpz. *Pr. Cr. p. 2. qu. 61. n. 38. sq.* Nec minus ad separationem provocant 4) Insidiæ vitæ coniugis structæ & 5) morbus contagiosus atque incurabilis. An præter hasce causas etiam *ex c. 2. §. 7. X. de div. Divort.* impietas seu seductio coniugis ad horrendum scelus & eæ, quæ *Nov. 117. c. 9. §. 1.* recensentur, separationem operentur, in foro ecclesiastico addiscendum est.

§. 17.

Qua ratione denique ligamen coniugii plane tollatur, ex divortii causis statim apparebit. Præcipue de illius qualitate inquirendum est, quod quidem præ ceteris Lauterbach *in Comp. Jur. ad tit. de Div.* optime definit dissolutionem vinculi matrimonialis inter coniuges adhuc viventes, iusta causa, publica magistratus auctoritate facta. *L. 101. ff. de V. S.*

§. 18.

Duarum, quæ divortium efficiunt, causarum est 1.) Adulterium; sit hoc vel simplex vel duplicatum, sitque per seminis immissionem plene probatum, vel ex urgentibus coniecturis præsumtum, unum idemque est; 2.) Malitiosa desertio, fiatque hæc aut corpore per relictionem coniugis, *l. 7. C. de Rep.* aut animo per denegationem debiti coniugalís, *arg. §. 1. l. de patr. pot.*

§. 19.

Coniuges matrimonialem, ut ita dicam, con- Accedit denegatio debiti coniugalís.
tra-

tractum, do tibi corpus meum, ut des mihi corpus tuum ineunt, sequitur exinde, usum coniugalem temere subtrahendum non esse, sed alterum, vi obligationis ex mutuo in unam carnem consensu natæ, alteri ad promissionem fidei incorruptæ servandam adstringi; propterea malitiosæ desertioni omnino æquiparanda malitiosa, pertinax, perpetua & incorrigibilis denegatio debiti coniugalis. Sicuti enim in illa proprie sic dicta, persona præsentiam suam alteri sine iusta causâ subtrahit, seque in locum remotiorem confert, ita in hac persona quidem corpore præsens, animo tamen absens debitum coniugale ex malitiosa mente & nimia morositate vel corrupto odio erga coniugem pertinaciter denegat, reddereque recusât.

§. 20.

Aliæ divortiū
causæ.

Quidam JCorum alias præterea causas divor-
tio sufficientes referre student, quæ tamen sicut in
praxi aliena, ita nec huc alleganda sentio.

§. 21.

Materia deli-
cti. carnis.

Explicatis his unicum restat, ut quædam delicta
carnis meditationem præsentem tangentia intuear.

§. 22.

Fundamen-
tum, ut del.
carnis prohibeantur.

Homines iuxta §. 4. necessario procreentur :
Plurimum interest reip., ut procreati liberi recte
educantur : Progenerare enim multos liberos, eos-
que non recte educare, imo prorsus incultos relin-
quere, non tantum est inutile, sed præterea summe
perniciosum, Engelbr. *ib. XXXIII. Lib. XLIIX.* quia
homine, si is non recte educetur, nullum animal im-
manius & detestabilius est. *Arist. Lib. 1. Pol. c. 1.* Ne-
mo rectæ educationis molestias susciperet, nisi foetum
esse

esse suum, certo noverit : Namque si novimus, rem esse nostram, cum demum de ista sumus solliciti; Nullus de foetus proprietate certior est, quam in coniugio degens; Foetus enim, ubi vaga Venus in usu fuit, nunquam potest certo agnosci. Præsuppositis his ita colligimus: Quicquid impedit liberorum procreationem vel eorundem educationem, illud, quia remp. summa afficit iniuria, est delictum.

§. 23.

Quia, quod procreationem, per legitimam con-
 sequentiam simul & educationem impedit., nemo
 inficias ibit, quod carnis delicta liberorum procrea-
 tionem impediunt longe graviora, adeoque sodo-
 mia hominis cum bruto vel homine contra naturam
 commissa multo duriore animadversione digna sint
 ceteris.

§. 24.

Non tanti ponderis sunt crimina, quæ libero-
 rum duntaxat educationem impediunt, quamvis
 etiam satis magna, nec unius eiusdemque generis,
 sed in varias species abeunt, quorum 1) adulterium ad
L. Jul. de Adult. notatur.

§. 25.

Adulterium J. C. tantum ex foemina ligata æsti-
 matur, l. 6. §. 1. ff. ad L. Jul. de Ad. ita, ut per violatio-
 nem thori alieni definitum, vir uxori ligatus cum
 soluta rem habens non committat tale, hodie tamen
J. Can. & Saxon. per violationem fidei conjugalis de-
 finitur, & quivis concubitus, intercedente una
 tantum coniugata persona vel mariti vel foeminae,
 pro simplici, (einfacher Ehebruch) duabus vero viri &
 uxoris scil. pro duplicato (Ober- & Nureren) reputatur ad-
 ulte-

Pœna adulterii criminalis.

ulterio, quorum prius in viro semper, in scœmina cum demum, si marito nupta sit, capitis supplicio, alias fustigatione, posterius autem semper in marito & uxore capite punitur. Ut autem talis adulterii pœna locum habeat, requiritur plena illius probatio, seminis scil. immissio & commixtio, ab ipsis delinquentibus confessa.

§. 26.

Pœna adulterii civilis.

Actione civili, ad quam urgentes præsumptiones e.g. si nudus cum nuda in eodem lecto deprehendatur; si quis libidinoso tactu atque amplexu occulto in loco usus sit &c. sufficere constant, tenditur a) ad lucrationem dotis vel donationis propter nuptias, *l. 8. §. 4. 5. C. de Rep. Nov. 134. c. 10.* sive his deficientibus ad portionem per modum successionis coniugi debitam, *Nov. 117. c. 5. Carpz. Pr. Cr. qu. 64. n. 43.* b) ad divortium, quo casu matrimonii vinculum ita dirimitur, ut permittatur parti quidem innocenti, nuptias cum altera persona contrahere, *Carpz. Pr. cr. p. 2. qu. 63. & in def. eccl. l. 2. tit. 11. def. 189. sqq.* nocenti vero minime, nisi prægnaantissima intercedente causa, ad secunda vota transire, liceat, *Carpz. l. 2. Jpr. Conf. tit. 11. def. 191.* prævia tamen a magistratu ecclesiast. lata sententia priori casu. P. P. So ist der zwi- schen beyden Personen hiebervorn geschlossene Ehebund nuus mehro vor aufgelsset und getrennet zu halten, immassen wir ihn dafür erklären, und Klägern (Klägerin) als dem unschuldigen Theile in andere Wege sich Christlich zu verchli- chen, verstaten und nachlassen, posteriori casu: P. P. Immassen wir ihn hiermit dafür erklären, und gestalten Sachen uach beyden Theilen sich in andere Wege zc. *conf. Nicol. d. tr. de rep. & div. c. 1. tot. p. 2.*

§. 27.

§. 27.

Ad hunc delictorum classem numeratur 2) stuprum, quod Ddres ex §. 4. *J. de publ. iud.* definiunt concubitus soluta cum virgine vel vidua honeste vivente commissum, & dividunt in violentum & voluntarium. Violentum est concubitus per violentam solutæ invitæ & fortiter reluctantis compressionem commissus, l. 20. *C. ad L. Jul. de Adult. l. 3. §. 4. ff. ad L. Jul. de vi publ.* & punitur, si est attentatum, pro qualitate facti fustigatione, relegatione, sin consummatum, gladii supplicio. l. un. *C. de rapt. virg. Const. Car. cr. art. 118. 119.* In voluntario cum soluta consentiente vel parum reluctantante commissio stuprator tenetur, ut stupratam promisso matrimonio ducat, non promisso aut ducat, aut dotet, Carpz. *Jpr. Consist. l. 2. def. 229. n. 8.* præterea quoque infanti præbeat alimenta, & pro cuiusvis loci consuetudine pœnam pecuniariam, vel ecclesiasticam, vel carceris aliquot dierum suscipiat.

§. 28.

Cum ea, quæ de nuptiis, dissolutione matrimonii & delictis carnis hic præmittenda fuisse, arbitror, rite explicaverim, me iam converto ad dispendendum concubitus a personis per divortium dissolutis commissum, & tam ex præcedentibus adductis, quam ex adducendis Ddorum opinionibus argumenta eruam, quatenus sic concumbentes pœnam mereantur.

§. 29.

Hac de re studiosus, duos ex propositione nostra casus fluere, video. Primo concubitus ab ipsis

Transitus ad
propositionem.
Duplex pro-
positionis da-
tur casus.

C

per-

personis per divortium solutis inter sese commissum conspicio, secunda vice concubitus a personis per divortium solutis cum alienis commissus ante oculos nobis versatur.

§. 30.

*Divortium
non accipitur
de nullitatis
decl.*

Divortium minime gentium hic loci intelligitur de coniugii diremptione per nullitatis declarationem facta. Quoties enim nuptiæ ex causis, quæ supra §. 9. commeravi, prohibitis contra matrimonii vel naturam vel legem contractæ fuerint, toties nullos coniuges adesse, toties nullum matrimonii dissolutionem fieri idicuntur, toties etiam omnia, quæ de nostris duobus casibus admonenda sunt, recte huc applicari nequeunt, quia tales nulliter declarata personæ partim ob impotentiam concumbere, naturaliter prohibentur, partim quoque nullum conjugale vinculum hasce antea obligasse, ex §. 11. constat.

§. 31.

*Divortium
non recte in-
telligitur de
personis re-
pudio solutis.*

Divortii significatus propius paulo accedit sponsalium dissolutioni. Personæ enim per mentionem & repromissionem futurarum nuptiarum sibi invicem ita iam sunt devinctæ, ut difficulter & non, nisi amore, sine quo matrimonium nullo nititur fundamento, plane sublato dissolvi possint, & matrimonii quamvis nondum consummati, efficacissima tamen promissio adsit §. 17. & 18. adeoque ipsæ concubitum anticipantes verum stuprum patrare, non dicantur. Quoniam vero sponsalia interveniente repudio omni factæ pollicitationis obligatione destituuntur, nulla tamen lege prohibente

ama-

a matrimonio imposterum vel iterum inter semet-
iplos invicem, vel cum personis alienis firmiter con-
trahendo revocantur illæ, extra omne ergo dubium
est, ut personæ repudio solutæ concubitum commit-
tentes stupri pœna teneantur.

§. 32.

De separatione a thoro & mensa æquius accipi-
tur cognomentum divortii quoad consortium. Si æquius sumi-
tur de separa-
tione a thoro
& mensa
mul ac iudex ecclesiasticus cognita §. 16. causa iusta
& sufficienti de separatione hac sententiam tulit, con-
iux non obligatur, ut separato alteri cohabitaret, ut de-
bitum coniugale præstet, ut pro qualitate circumstan-
tiarum victum & amictum præbeat. Idcirco vide-
amus, quid iure obtineat, si personæ sic separatæ inter
semet ipsas concumbant.

§. 33.

1) Finis huius separationis est, ut separatim ha-
bitantes durante hac aut indefinite, aut ad cer-
tum tempus facta separatione vitium animi seu cor-
poris, propter quod dissoluti sunt, certo emendent,
atque subsecuta emendatione pristinum coniugale
consortium denuo ineant; Ideo, ut coniux remota
separationis causa alterum ad se recipiat, qui inter-
dicat, nullus erit, præsertim cum tantum intersit par-
tis petentis, ut decernatur separatio, minime iudicis,
hic nisi implorati, officium non impertientis.

Rationes, ut
separati inter
se se impune
possint con-
cumbere.
1.)

2.)

§. 34

Separati eo ipso, 3) ut inter sese iterum con-
cumbant, clarissimum argumentum proferunt, ut

3.)

C 2

finis

- finis separationis per factam reconciliationem subsecutus sit, & ambo pristinam amicitiam, matrimonialeque familiaritatem redintegraverint; nulla enim conversatio magis familiaris est, quam carnalis copula; quod si ergo ipsimet spontanee sibi cohabitent, iudex rescita eorum reconciliatione non habet, cur ad novum consortium eos ex officio compellat.

§. 35.

- 1.) Sententia, 5) quam iudex pro separandis coniugibus decernit, hanc ad formulam ferri solet: P. P. Das Kläger (Klägerin) gestalten Sachen nach wieder seinen (ihren) Willen seine Ehefrau (ihren Ehemann) zu Tisch und Bette zu unserer fernern Verordnung beizuwohnen, nicht verbunden etc. Hisce verbis quidem permittitur, ut coniux a thoro & mensa sit separata, quis autem dubitabit de iis sic interpretandis, ut pars implorans, si nolit, non teneatur, sin velit, non prohibeatur, cum separato coniuge concubitus repetere, namque sententia non interdicit volenti, sed remittit saltem nolenti opus coniugale alias debitum.

§. 36.

- 6.) Separatio 6) datur tanquam remedium, *Nicol. d. tr. p. 2. c. 5. §. 70.* vi cuius coniux ab alterius corporis vel animi corruptione, eiusque consortio sævissimo, quin periculossissimo, securum se reddere potest: Remedium hoc sive beneficium iuris datur in implorantis favorem: Beneficio suo, quia hoc nemini obtruditur, quilibet renunciare potest: Hinc seperatus cum separata impune concumbere potest, quia pars inno-

innocens continuandæ separationi, tanquam beneficio sibi ex iure dato sua sponte renunciaſſe videtur.

§. 37.

Coniugem vero ſeparatum poſteriori caſu cum aliena perſona concumbentem adulterium omnino verum committere, res luce meridiana clarior eſt teſte Carpz. *Pr. cr. qu. 61. n. 56. p. 2.* Quamvis enim quoad confortium ſoluti ſint coniuges, vinculum tamen matrimonii adhuc firmum ac validum conſiſtit, quia non eſt remotum, ſed ſuſpenſum tantum ſic, ut per concubitum cum alia perſona fides matrimonialis ſane violetur. Jure igitur meritoque hic concubitus graviore, quam ſtupri pœna afficitur, quamvis ordinaria adulterii pœna non ſemper hic locum habeat.

Concubitus ſeparatorum cum alijs pro adulterio habetur.

§. 38.

Optime vero & ſecundum ſuam naturam divortium proprie prædicatur de ſeparatione totali & diſſolutione vinculi matrimonialis. Perſonæ igitur ſic totaliter ſolutæ, ſive inter ſeſe, ſive cum alijs concumbentes, adulterium nulla prorsus ratione perpatrant; in ſtupri autem delictum eiſque pœnam illas ipſas incidere, nemo eſt, qui dubitet. Etenim 1) per hoc legitimum ac verum divortium & totalem ſeparationem matrimonium ita diſſolvitur, ut alteri coniugum vel utrique concedatur, vivente adhuc ſoluto ſolutave coniuge, ad alia vota tranſire. Rebus ſic ſtantiſibus nullus amplius vir uxoratus, nec uxor ligata, nec ullum adſtringens coniugii vinculum inter totaliter ſeparatos adeſſe intelligitur. Ceſſantibus autem his præſuppoſitis neceſſario quoque cum iisdem adulterium prorsus non committitur,

Matrimonium per divortium diſſolvitur pro diſſoluto inſpecie tali putatur. Concubitus diſſolutarum perſ. non eſt adulterium. Rationes. 1)

adeoque nec poena adulterii ullatenus, ne quidem extraordinaria hoc casu obtinere potest. Carpz. *pr. orim. p. 2. qu. 61. n. 53. sq.*

§. 39.

1.) Illorum sententiæ subscribimus, qui affirmant, ut coniuges quoad vinculum soluti, post divortium iam factum, reconciliati in matrimonii redintegratione omnes eas solennitates adhibere teneantur, quæ ad coniugium contrahendum requiruntur, ita, ut totam rem ad iudicem ecclesiasticum deferant, de reconciliatione ipsum certiorcm faciant, ac potestatem denuo contrahendi vel redintegrandi matrimonii quærant, ac tum demum novi matrimonii licentiam impetrent, si trinam denunciationem reiteraverint, vel huius in locum ambo de fide coniugali antea nemini data iuramentum præstiterint, & per benedictionem sacerdotalem copulati fuerint. Nicol. *tr. d. p. 2. c. 1. n. 74. sqq.* Quod si ergo sic solutarum personarum respectu coniugii redintegrandi nulla alia habeatur ratio, quam earum, quæ sine coniugio viventes nullam fidem matrimonialem sibi unquam debuerunt, earum quoque concubitus extra coniugium commissus haud aliam speciem præ se fert, quam sine coniugio qui semper vixerunt.

§. 40.

3.) Equidem 3.) in parte, cui nocenti novas nuptias contrahere, non remissum est, ligamen aliquod conjugale inesse videtur, quoniam illi, ob commissam adulterii causam, ut impofterum matrimonium gerat, satis indigno, matrimonium interdictitur, prætendenti autem gravissimas causas, sic inde exoritur malum, iterum permittitur,

tur, Carpz. *pr. cr. p. 2. qu. 63. n. 40. seqq. it. Jpr. Conf. l. 2. tit. 11. d. 191.* hinc nihil interest, an concubitus sit commissus ab iis, quibus est, an ab iis, quibus non est remissum novum contrahendum matrimonium, propterea, quod in his non vinculum coniugale, nec exinde poena violatae fidei reperiatur.

§. 41.

4.) Adulterio ipsummet furtum inesse, satis apte tradit Carp. *d. l. qu. 51. n. 53.* quia maritus corporis sui, cuius tamen potestatem habeat uxor, copiam faciat alienae feminae, & uxor alieno marito corporis sui, cuius potestatem habeat vir, copiam faciat. Sicuti vero statim post factum divortium dissoluti ipsi potestatem in corpus suum adipiscuntur, & nulla apud coniugem totaliter separatum remanet, ita cum aliis sese commiscuentes tale, cui adulterium æquiparatur, furtum commisisse, sane non appellantur.

42

§. 42.

Huc usque satis superque liquet, hunc concubitus personarum, quas divortium ab omni matrimonii ligamine liberavit, pro adulterio non esse reputandum, stupri ergo qualitatem recipere, certo certius est, quia hic a soluto solutave nullo matrimonii vinculo obstrictis patratum extra coniugium. Hinc & nec gravioti, nec leviori, sed eadem, qua stuprum animadvertitur, poena affici, pro iusto ducimus. Et sic finem dissertationi nostrae imponimus.

Totaliter dissoluti committunt stuprum.

NOBI

NOBILISSIMO ATQVE DOCTISSIMO
RESPONDENTI

S. P. D.

PRÆSES.

Dissertationem Tuam, quam in ipso nundinarum nostrarum strepitu festinante calamo conscriptam mihi exhibuisti, eandem festinanter perlectam iisdem lineis Tibi reddo, quibus mihi exhibuisti. Nosti impedimenta mea, quæ imprimis in præsentiarum me totum avocant, quo minus vel ultimam lineam addi, vel quæ adhuc emendari potuissent, annotare potuissem. Lector itaque vel ex eo, quod subito hic labor fuit, vel ex eo, quod ob temporis rationem elegantius vestire eundem non potueris, benevolam interpretationem addet. Mibi interim constat penitus de singulari Tua in Jurisprudentia peritia, quam plus simplici vice partim in collegiis meis privatis probatam dedisti, partim aliis iam præstitisti. Non dubito, quin hæc Tua Juris notitia, quam elegantia morum adauget, fructus Tibi comparaverit optatissimos. De cetero de absoluto nunc Academico cursu gratulor, & quævis fortune emolumenta, quæ omnino meres, eventura exopto. Vale. Dabam Lipsiæ die XVII. Maii
a. r. s. n. clb lcccXXXVI.

